



INFOLOOSTÄŠ RÄJIPARGEID

Päikki Suomâst, pargo Ruotâst tâi Taažâst

Räjiipargee lii olmooš, kote parga enâmist, kost sun ij aasâ. Nube enâmist porgâm vaaigut Kela torjuid já tuu vuoigâdvuotân finniđ pyecceetipšo, veikâ tun aasah-uv Suomâst.

Mušte taid

- Almoot Kelan, ko tun porgâškuáđáh Ruotâst tâi Taažâst. Toovâ almottâs MuuKelast tâi luámáttuvvâin Y38smn.
- Olgoenâmiijn porgâm vaaigut toos, maid Kela torjuid tun puávtáh finniđ.
- Tust lii vuoigâdvuotâ pyecceetiipšon sehe porgâmenâmist já Suomâst – uusâ Kelast tipšovuoigâdvuodâ.

Pärnilase já vaanhimijpeiviruudah

Vaanhimijpeiviruudah máksojeh táválávt porgâmeennâm njuolgâdusâi mielđ. Uusâ vaanhimijpeiviruudâ porgâmenâmist.

Pärnilase máksoo vuosâsaajeest ton enâmist, kost pärni huolâtteijee parga. Uusâ pärnilase porgâmenâmist.

Jis pärni huolâtteijeeh pargeh sierâ enâmiijn, te pärnilase mäksumist västid vuosâsaajeest pärni aassâmeennâm. Uusâ taan tábâhtusâst pärnilase pärni aassâmenâmist.

Pyecceetipšo porgâmenâmist já Suomâst

Tust lii vuoigâdvuotâ tuu tarbâšem pyecceetiipšon sehe porgâmenâmist já Suomâst. Tun finniih tipšo páihálii äššigâsmáávsu hoodijn.

Maid tun koolgah porgâd

Uusâ Kelast tipšovuoigâdvuotâ. Toovâ ucâmuš MuuKelast tâi luámáttuvváin SV140smn.

Kela miedettem Tuodâštussáin vuoigâdvuotâst tipsohiäđoid Suomâst

- tun finniih tipšo almos tiervâsvuotâhuolâttâsâst äššigâsmáávsu hoodijn
- tun puávtáh finniđ sajanmáávsuid priivaat tiervâsvuotâhuolâttâs tiätu koloin, talhâsuástuin já puácuvuotâ tipšo tiet tohhum maadhijn.

Eurooplíi pyecceetipšokoortâ miedeet tuu porgâmeennâm virgeomâhâš. Tun jiehk pyevti kevttiđ Kela-koortâ Suomâst.

Jis tun páásáh pargottemmin

Jis tun aasah Suomâst já poorgah räjpargen Ruotâst tâi Taažâst já páásáh pargottemmin, te almottât pargottes pargo-occen Suomâst já uusâ pargottesvuotâhiäđu jo-uv syemmili pargottesvuotâkassaast tâi Kelast.

Jis luámudeh tuu, te almottât pargottes pargo-occen porgâmenâmist já uusâ pargottesvuotâhiäđu porgâmenâmist.

Pyeri tiettid

Aalmugijkoskâsijn tiilijn ucâmušâi kiedâvuššâm puáhtá pišted kuhheeb ääigi ko táválávt.

Luvvâ lase

- kela.fi/suomast-olgoenamaid
- kela.fi/rajpargeeh
- kela.fi/parnilase
- kela.fi/tyottomyyystuki-ulkomaille-tai-suomessa (suomâkielân)
- kela.fi/kasittelyajat (suomâkielân)
- kela.fi/sairaanhoito-kansainvalisissa-tilanteissa (suomâkielân)
- [EU-terveydenhoito.fi](https://eu-terveydenhoito.fi) (suomâkielân)
- Tiäđuh Tave-enâmij sosiaaltorvoost: infopohjola.fi (suomâkielân)